

Cu e apertura di e hotel di cinco streya Riu Palace

Mike Eman di biaha a cuminza mira streya tur rond di Aruba y te hasta a cuminsa conta esakinan

STA. CRUZ -- Infantilismo y mediocridad a yega na su final na Aruba ora cu comunidad Arubano mester a bolbe scucha e lidercito yoron Mike Eman ta papia un hala di disparate den su conferencia di yoramento di dialuna ultimo. Ta visto cu e pobercito Mike no sa kico mas pa haci pa haya atencion di nos comunidad y awor el'a cuminza halucina y mira streya tur caminda na Aruba, streya pa noord, streya pa zuid, streya pariba y streya pabao! Na promer instante nos partido a haya hopi straño cu diripiente Mike Eman a cuminza papia di streya p'aki, streya p'aya. E motibo cu e lidercito di AVP a cuminza mira streya tur caminda rond ta pasobra diabierna ultimo e Hotel Riu Palace – un hotel di 5 streya! – a caba di habri su portanan inoficialmente na Aruba. Esaki siguramente ta trece un biaha mas hopi odio, rabia y venganza contra e

hotel aki di parti di e lidercito di AVP, ya cu no ta tur dia cualkier inversionista ta yega inverti 120 miyon dollar den un hotel di un categoria di 5 streya. Mike Eman manera ta su mal custumber caba ta CONTRA e proyecto multi-miyonario aki y den su odio y venganza el'a cuminza mira streya tur caminda. Awor te hasta el'a cuminza conta tur e streyanan, esta e streyanan di uno te cu cinco! Sinembargo ningunrato den su conferencia di yoramento – ni pa chansa - su persona ni sikiera a menciona tocante e proyecto di Hotel Riu cu a caba di habri su porta, ya cu e ta consciente di e hecho cu e hotel aki a bin establece na Aruba, pasobra aki tin estabilidad politico y un gobierno cu ta traha hunto cu inversionistanan local y di exterior y no un gobierno cu ta mira spirito den dia cla, ta tira cu lodo y cu ta desea pa tur cos malo bay cu e pais aki. E doño di Hotel Riu, esta sr.

Luis Riu semper tabata tin y tin bon contacto cu nos Minister President sr. Nelson Oduber, kende ta sostene e proyecto multi-miyonario, mahestuoso y luhoso aki totalmente. Den nos Minister President, sr. Riu a mira un gobernante serio, capaz cu kier pa Aruba sigui progresa y ta pesey mes cu tur confianza el'a hinca 120 miyon dollar den un hotel, sin garantia y sin tax-holiday di gobierno. Partido MEP ta yama Hotel Riu

Palace un bon bini na Aruba, danki pa e confianza y nos ta spera cu establecimiento di e hotel aki lo ta un contribucion substancial na e desaroyo economico di nos pais. Un pabien grandi tambe ta bay pa nos lider sr. Nelson Oduber y e ministranan di Gabinete Oduber IV pa nan vision, curashi y determinacion. Aruba ta den Pleno Progreso. E cachonan lo sigui ladra pero e caravana victorioso di MEP ta pasa bay y Mike Eman den

su soledad politico lo mester sigui cu su contamento di streya den firmamento di anochi, cu hopi Pena y sin ningun Gloria!.

Foto: Muestra di confianza entre sr. Nelson Oduber y sr. Luis Riu



BEST DEAL

Tel: 582-7100

[(Pariba di Aruba Bank, Paradera)]



**STICKER
BOOK**

**MAS CU 600
PIEZAS PA
AFLS.3,95=**